

պես Ռուսաստանում, այնպես էլ Անդրկովկասում հաստատվեց «խսկական քոնապետական ռեակցիա»¹⁹³,

Սակայն բուլճերիկների կուսակցությունը չընկրկեց ղեկավարությունների առաջ: Նա պատերազմական դրությամբ անասելի ծանր ու բարդ պայմաններում, երբ, ինչպես նշել է Վ. Ի. Լենինը, «մեր կուսակցության աշխատանքն հարյուր անգամ ավելի դժվար» էր «դարձել»¹⁹⁴, շարունակեց իր աշխատանքը բանվորագյուղացիական ու ղինվորական մասսաներին քաղաքականապես լուսավորելու, ցարիզմի ու բուրժուազիայի դեմ նրանց համախմբելու և կազմակերպելու ուղղությամբ:

9. ԴԱՍԱԿԱՐԳԱՅԻՆ ՊԱՅԲԱՐԻ ՍՐՈՒՄԸ ԵՎ ՀԵՂԱՓՈԽԱԿԱՆ ՇԱՐԺՈՒՄՆԵՐԸ ԱՐԵՎԵԼՅԱՆ ՀԱՅԱՍՏԱՆՈՒՄ

Ցարական կառավարությունը պատերազմի մեջ էր մտել ոչ միայն իր զավթողական պլաններն իրականացնելու, այլև՝ հեղափոխական շարժումը ճնշելու կամ թլուցնելու, հասունացող ժողովրդական հեղափոխությունը խեղդելու համար: Սակայն ռուսական կալվածատերերի ու կապիտալիստների հույսերը շարդարացան: Պատերազմը խորացրեց ցարական ինքնակալության նկատմամբ ժողովրդական զանգվածների ատելությունը, սրեց դասակարգային հակասությունները և արագացրեց դեպքերի ընթացքը:

1915—1916 թթ. հեղափոխական շարժումը Ռուսաստանում նոր վերելք ապրեց: Միայն գործարանային և հանքային տեսչություններին ենթակա ձեռնարկություններում 1915 թ. գործադուլ արեցին 571 հազար բանվոր, 1916 թ.՝ 1.172 հազար և 1917 թ. հունվար-փետրվար ամիսներին՝ 676 հազար բանվոր¹⁹⁵, Ավելացավ նաև քաղաքական գործադուլների և դրանց մասնակիցների թիվը¹⁹⁶,

Բանվորական շարժման վերելքն Անդրկովկասում սկսվեց 1915 թ. կեսերին և էլ ավելի ուժեղացավ 1916 թ.-ն ընկնելով 1915 թ., ըստ պաշտոնական նվազեցված տվյալների, Անդրկովկասում տեղի էր ունեցել 90 գործադուլ՝ ավելի քան 6000 մասնակիցներով, ապա 1916 թ. տեղի ունեցավ մոտ 160 գործադուլ, ավելի քան 40.000 մասնակիցներով¹⁹⁷:

Պատերազմի համար աշխատող ձեռնարկությունների զինապարտ բանվորները դադարել էին աղատ վարձու բանվորներ լինելուց և փաստորեն ստրկացվել էին ձեռնարկատերերի կողմից¹⁹⁸: Սակայն նրանք ոչ միայն պաշտպանեցին բանվորների գործադուլներն ու հեղափոխական ելույթները, այլև դարձան հեղափոխական պայքարի առաջամարտիկներ: Ցարական կառավարության այն հույսերը, թե զինապարտ բանվորները, վախճանալով աշխատանքից զրկվելու և ռազմաճակատ ուղարկվելու վտանգից, հեռու կմնան հեղափոխական պայքարից՝ շարդարացան:

193 Սու. Եանույան, ԵԺ, հ. 3, էջ 21:

194 Վ. Ի. Լենին, Երկր, հ. 35, էջ 179:

195 Տե՛ս «Краткая история рабочего движения в России (1861—1917 гг.)», М., 1962, стр. 526 и 538.

196 Տե՛ս Եույն տեղում, էջ 538:

197 Հ. Ա. Պետրոսյան, Անդրկովկասի բանվոր դասակարգը և բուլճերիկան կազմակերպությունները առաջին համաշխարհային պատերազմի տարիներին, Երևան, 1977, էջ 301:

198 Տե՛ս ՍՍՀՄ ԿՊՌՊԱ ֆ. 1300, ց. 1 գ. 152, ք. 7:

Ցարական կառավարության ներքին գործերի մինիստրության ուստիկանության ղեկավարումն առի բավական նվազեցված տվյալներով 1916 թ. Անդրկովկասի 144 գործադուլներից 62-ը (41,6%) տեղի ունեցան պատերազմի կարիքների համար աշխատող ձեռնարկություններում, որին մասնակցեց ավելի քան 10.735 բանվոր, այսինքն՝ գործադուլ արած բոլոր բանվորների մոտ $\frac{1}{3}$ մասը 1916 թ. գործադուլներ տեղի ունեցան Անդրկովկասի արդյունաբերական բազմաթիվ ձեռնարկություններում:

Գործադուլները հաճախ ընթանում էին «Կորլի՜ ինքնակալությունը», «Կեցցե՜ դեմոկրատական հանրապետությունը» բոլշևիկյան լոզունգներով: 1917 թ. հունվարի 9-ը, բոլշևիկյան կուսակցության կոչով, բանվորները նշեցին բաղադրական հզոր գործադուլներով ու ցույցերով, Այդ օրը Պետրոգրադում գործադուլ արին 300 հազար բանվոր, Մոսկվայում՝ 45 հազար, Բաքվում՝ 14 հազար բանվոր¹⁹⁹: 1917 թ. հունվարի 9-ին բոլշևիկների կոչով և նրանց ղիսավորությամբ Բաքվում բաղադրական մեծ ցույց տեղի ունեցավ: Բաքվի բանվորների պայքարը նկատելի վերելք ապրեց հետագա օրերին և հունվարի 17-ից վերածվեց բաղադրական խոշոր գործադուլի: Միայն պատերազմի համար աշխատող ձեռնարկություններում 1917 թ. հունվարին տեղի ունեցավ 87 գործադուլ, որոնց մասնակցեց ավելի քան 22.293 բանվոր²⁰⁰, 1917 թ. հունվարի 19-ին և 20-ին Բաքվում բոլշևիկների կազմակերպած միտինգներին յուրօրանշյուր օր մասնակցում էին 15—20 հազար բանվոր: 1917 թ. հունվարի 20-ի միտինգը ցրելու համար տեղական իշխանությունները կազակային ջոկատներ ուղարկեցին, սակայն բոլշևիկների ազդեցության շնորհիվ, կազակները հրաժարվեցին կատարել նրանց կամքը²⁰¹:

Ցարական ինքնակալության և իմպերիալիստական պատերազմի դեմ Ռուսաստանում և Անդրկովկասում հետզհետե ուժեղացող բանվորական շարժումներն ընդգրկեցին նաև Արևելյան Հայաստանի արդյունաբերական կենտրոնները՝ Ալավերդին և Ղափանը:

1916 թ. Ալավերդու և Ղափանի պղնձահանքերի և պղնձաձուլական գործարանների բանվորները գործադուլներ կազմակերպեցին ու մի շարք պահանջներ ներկայացրին գործարանատերերին: Այսպես, 1916 թ. նոյեմբերի 14-ին հուլումներ բռնկվեցին Ղափանի Ուղուրչայի պղնձաձուլական գործարանի բանվորների և ծառայողների շրջանում: Պետության պաշտպանության միջոցառումների քննարկման և միավորման հատուկ խորհրդակցության նախագահի կովկասյան լիազորին հասցեագրված հեռագրում Կոնգրուլներին պատկանող պղնձաձուլական գործարանի բանվորների և ծառայողների ներկայացուցիչներն իրենց զայրույթն արտահայտեցին այն բանի դեմ, որ գործարանի վարչությունն ամիսներով ուշացնում է բանվորների և ծառայողների աշխատավարձի վճարումը, որ ապահովված չեն ամենաանհրաժեշտ կենսամթերքներով և սովի են մատուցված: Կովկասի փոխարքայությունը շտապ կարգով միջոցներ ձեռնարկեց, որպեսզի Ուղուրչայի պղնձաձուլական գործարանի բանվորների և ծառայողների հուլումները զաղարկեցվեն և շտաբանվեն Զանգեզուրի պղնձարդյունաբերական մյուս ձեռնարկությունների բանվորների մեջ:

¹⁹⁹ ՏՃ՝ «КПСС Справочник», М., 1963, стр. 102.

²⁰⁰ ՏՃ՝ ՍՄՆՄ ՀՆՄԵ ԳՊԱ ֆ. 102, Դ. 7., 2. Բ, գ. 341, 1917 թ., ք. 1Ա.

²⁰¹ ՏՃ՝ «Правда», № 1, 5 (№ 8) марта, 1917.

Սակայն հուլումները վերածվեցին Ղափանի պղնձահանքերի և պղնձածուլական գործարանների 1200 բանվորների կազմակերպված գործադուլի։ Գործադուլավորները պահանջում էին աշխատավարձի բարձրացում 40%-ով, աշխատաժամերի կրճատում և այլն։ Գործադուլը տևեց 3 օր և վերջացավ բանվորների պահանջների մասնակի բավարարումով²⁰²։

Իմպերիալիստական պատերազմի տարիներին, ինչպես Ռուսաստանի այլ շրջաններ, այնպես էլ Անդրկովկասի ու Արևելյան Հայաստանի քաղաքներում ու արդյունաբերական կենտրոններում բանվորական շարժումների հետ միասին ծավալվում էին նաև աշխատավոր լայն զանգվածների հուլումներն ու խռովությունները։ Եթե սկզբում դրանք ուղղված էին վաճառականների, քաղաքային կառավարողների և այլ պաշտոնյաների դեմ, ապա հետագայում ստացան քաղաքական բնույթ և ուղղվեցին կառավարության դեմ։ 1916 թ. հուլիսին նոր Բայազետից հազորդում էին, որ «պահեստալինների մի խումբ կանայք ոտաբորիկ թափվել էին ոստիկանության դուռը» և բողոքում էին «թանկության դեմ»²⁰³։ 1916 թ. ամռանը թանկության դեմ խռովություն բարձրացրին նաև Եյենովկայի (Սևան) կանայք։ Նրանք պահանջում էին իջեցնել ալյուրի, շաքարի, թխի, օճառի և այլ ապրանքների գները և տուն վերադարձնել բանակ զորակոչված իրենց ամուսիններին։ Թեև խռովությունը ճնշվեց ոստիկանության օգնությամբ, սակայն որոշ ապրանքների գները իջեցվեցին²⁰⁴։

1916 թ. հուլիսի 8-ին Երևանում հայտնաբերվել էին հայերեն թուղթիկներ, որոնցում ասված էր, որ կազմերվեն խանութները, եթե չիջեցվեն ապրանքների գները²⁰⁵։ Հուլիսի 9-ին Կովկասի փոխարքայի օգնական Օռլովը Երևանի նահանգապետին հրամայում է անմիջապես քաղաքը բաժանել տեղամասերի և ուժեղացնել ոստիկանական ու պահակային կետերը, որպեսզի հնարավոր լինի կանխել խանութների ջարդերը և թույլ չտալ փողոցներում մարդկանց կուտակումներ։ Միաժամանակ նա պահանջում էր անհապաղ պատժել պակրածություն առաջանողներին, հայտնաբերել թուղթիկ փակցնողներին²⁰⁶։

Վ. Ի. Լենինն անհրաժեշտ էր համարում պարենավորման դժվարություններն օգտագործել զանգվածների լուսավորման ու հեղափոխականացման համար, որպեսզի նրանք գիտակցեն, որ երկրում խորացող ճգնաժամը, թանկությունն ու սովը, պատերազմի բերած անհաշիվ աղետները իշխող կարգերի և իմպերիալիստական պատերազմի հետևանք են։ Վ. Ի. Լենինը անարգանքի դուռնիկ դառնեց 4-րդ Պետական դումայի ղեկավար Ամենդով Մուխոմեևին այն բանի համար, որ Կովկասում ծավալված «պարենային խռովությունների» օրերին նա տեղական իշխանությունների թույլտվությամբ և ցարական զինապետ իշխան Միկուլաձեի ու քահանա Խունդաձեի ուղեկցությամբ, շրջում էր Կովկասի քաղաքներում և հասարակական ժողովներում հանդես էր գալիս «հուլումներ» շարքերու, քաղաքային դուռաների վրա ճնշում գոր-

202 Տե՛ս Մ. Վ. Արզումանյան, Բոլշևիկների գործունեությունը և սեռայնությունը Հայաստանում 1907—1917 թթ., էջ 527, ՎՍՍՀ ԿԳՊԱ, ֆ. 264, դ. 5432, ք. 107, 117։

203 «Մշակ», 6 հուլիսի, 1916 թ.։

204 Տե՛ս Մ. Ի. Լենինի հայկական մասնաշաղկի արխիվ ֆ. 33, դ. 696, փ. 7, թ. 4։

205 Տե՛ս ՎՍՍՀ ԿԳՊԱ, ֆ. 13, դ. 431, թ. 3։

206 Տե՛ս Նույն տեղում, դ. 4331 թ. 4—5։

ծագրելու և կոտակերատիվներ կազմակերպելու լիբերալ կոչերով: Մինչդեռ ինչպես ընդգծում էր Վ. Ի. Լենինը, հեղափոխական սոցիալ-դեմոկրատը պետք է ասեր. «խանութ շարդելը աննպատակահարմար է, եկեք ավելի լուրջ ցույցեր կազմակերպենք. թեկուզ և Բաքվի, Քիֆիսի, Պիտերի քանվորների հետ միաժամանակ մեր ատելությունն ուղղենք դեպի կառավարությունը, դեպի մեզ գրավենք զորքի այն մասը, որը խաղաղություն է ցանկանում: Այսպես՝ նա ասում արգյոք պ. Չխեիձեն, Ոչ, նա լիբերալների համար ընդունելի «պայքարի» կոչ էր անում»²⁰⁷:

Իմպերիալիստական պատերազմի հետևանքով ուժեղացան նաև գյուղացիական շարժումները: Եթե 1915 թ. Ռուսաստանում տեղի էր ունեցել ընդամենը 177 գյուղացիական հուզում, ապա 1916 թ. զրանց քանակը հասավ 233-ի²⁰⁸:

Գյուղացիական շարժումներն Անդրկովկասում առավել մեծ չափեր ընդունեցին Գուրիայում: 1916 թ. աշնանը պատեղ բազմաթիվ զինված ընդհարումներ տեղի ունեցան գյուղացիների և ցարական ոստիկանների միջև: Աղբյուրներում մի շարք զավառների գյուղացիներ հրաժարվում էին հարկեր վճարելուց և պարհակների կատարելուց, զավթում էին պետական և կալվածատիրական հողերը, այրում էին կալվածատերերի ունեցվածքը, զինված դիմադրություն ցույց տալիս ցարական պաշտոնյաներին ու ոստիկաններին: Գյուղացիական շարժումներն ուժեղացան նաև Արևելյան Հայաստանում:

Մինչև հեղափոխությունը հայկական գյուղերում մշտապես պայքար է մղվել գյուղի սոցիալական տարրեր շերտերի միջև՝ հողի վերաբաժանման շուրջը: Եթե պատերազմի տարիներին գյուղական շրջավորությանը հազվադեպ էր հաջողվում հողի վերաբաժանում անցկացնել, ապա հարուստներին՝ գրեթե միշտ: Օգտվելով այն հանգամանքից, որ գյուղացիության զգալի մասը զորակոչվել էր բանակ, կալվածատերերն ու կուլակները, տեղական իշխանությունների օգնությամբ, վերաբաժանման միջոցով շատ գյուղերում զավթեցին աշխատավոր գյուղացիների հողերը:

Երևանի նահանգի նոր Բայազետի գավառի Դոմաշեն գյուղի 81 բնակիչներ, որոնք այդ ժամանակ աշխատում էին Բաքվում, 1915 թ. փետրվարի 26-ին Երևանի նահանգական վարչությանն ուղղած իրենց բողոքում հայտնում էին, որ գյուղից ստացվող տեղեկություններն համաձայն զոմաշենցիների մի խումբ, տանտերի գլխավորությամբ, փորձում են նոր հողաբաժանություն կատարել՝ եղ թե արդարության սկզբունքներին համապատասխան, ոչ թե չքավոր, առավել վատ ապրող գյուղացիներին օգնելու, այլ, ընդհակառակը, որոշակի խմբի պատկանող անձնավորությունների ձեռքում ավելի շատ հողեր կենտրոնացնելու նպատակով: Ապա նշելով, որ «այժմ իրենց գյուղի տղամարդկացի 80%-ը գյուղից բացակայում է, որովհետև մի մասը պատերազմի զաչտում է, իսկ մի մասն էլ՝ աշխատանքի է մեկնել Բաքու և այլ քաղաքներ», ու այս պայմաններում հողաբաժանությունը ոչ միայն անօրինական է, այլև՝ հանցագործություն», խնդրում էին կարգադրել հաշտարար դատավորին, որպեսզի նա կանխի հողաբաժանման ամեն տեսակի փորձերը²⁰⁹:

207 Վ. Ի. Լենին, *Նրվեր*, հ. 23, էջ 217—218:

208 Տե՛ս «История СССР», т. VI, стр. 608 и 617.

209 Տե՛ս ՄԼԻ-ի Հայկական մասնաճյուղի արխիվ ֆ. 33, ց. 5, գ. 418, թ. 4—5:

Երևանի գավառի Ռիչարդերդ գյուղի մուլքադար իվան Կորգանովը, ղեկավարազմից առաջ, զավթել էր ռիչարդերդցիների 24 զենայտին վարելահողերն ու արոտավայրերը և ձերբակալել տվել դիմադրություն ցուցաբերած երեք գյուղացիների: Գյուղացիների բազմաթիվ դիմումներն՝ ուղղված երեվանի նահանգապետին, հաշտարար զատարանին և Կովկասի փոխարքային այդպես էլ մնացին անհետևանք²¹⁰:

Նոր Բայազետի գավառի Բաբաբեշի գյուղի չքավորները մինչև պատերազմը բազմիցս հարց էին բարձրացրել հողաբաժանության մասին, բայց որևէ արդյունքի չէին հասել: Իսկ երբ սկսվեց պատերազմը և գյուղացիների մեծ մասը զորակոչվեց բանակ, կուլակները որոշեցին զավթել նրանց հողերը: Այդ նպատակով նրանք ժողով գումարեցին, լիազորներ ընտրեցին հողի վերաբաժանում կատարեցին և, ինչպես ասված է 1915 թ. մարտի սկզբին Երևանի նահանգի գյուղացիական գործերի ատյանին ուղղված չքավոր բաբաբեշիների դիմումում. «ամենահայտնի հողերը գյուղացիներից խլեցին և բաշխեցին իրենց և իրենց ամենամոտիկ ազգականների միջև, իսկ մեզ հատկացրին բոլորովին անպետք և չմշակված հողը» և բացի դրանից, գյուղի չքավորներից թաքցրին յոթը ղենայտին լավ հող²¹¹: Գյուղացիները պահանջում էին անօրինական ձանաչել այդպիսի պայմաններում կատարված հողաբաժանությունը և յուրաքանչյուր ընտանիք շարունակի օգտվել իր նախկին հողերից մինչև ավելի նորմալ պայմանների ստեղծումը: Սակայն թի պատասխան գյուղացիների այս լիովին արդարացի խնդրի, Երևանի նահանգական գյուղացիական գործերի ատյանը... մի կողմ է կանգնում, գյուղացիներին հայտնելով, որ հողաբաժանության հետաձգումը կամ վերացումը տվյալ գյուղի բնակիչների գործն է²¹²:

Ալեքսանդրապոլի գավառի Գոգորան պետական գյուղի չքավորների պայքարը հողի վերաբաժանման համար տեղեց մեկ տարի (1914 թ. մարտից մինչև 1915 թ. մարտ), բայց հարցն այդպես էլ չլուծվեց, թեև գործին միջամտեց նույնիսկ Երևանի նահանգի գյուղացիական գործերի ատյանը: Գոգորանի հարուստները դիմադրում էին հողաբաժանմանը, որովհետև մինչ այդ իրենց ձեռքն էին գցել մեծ քանակությամբ հող²¹³:

Պատերազմի տարիներին Արևելյան Հայաստանում եղան գյուղացիների կողմից պետական ու կալվածատիրական հողերի գրավման բազմաթիվ դեպքեր, որոնք լուրջ անհանգստություն պատճառեցին իշխանություններին: Երեվանի նահանգի հինգերորդ շրջանի վերակացուին ուղղած իր 1915 թ. շրջաբերականներից մեկում Երևանի նահանգի ժանդարմական վարչությունը նշել է, որ Երևանի նահանգում և Կարսի մարզում տեղի են ունեցել պետական հողերի մասսայական զավթումներ, և առաջարկել «աշխուրջ հսկողություն սահմանել, որպեսզի այդպիսի զավթումներ տեղի չունենան»²¹⁴:

210 Տե՛ս «Аграрная политика царизма и крестьянское движение в Армении в начале XX века». Составил проф. В. Рштуни, Ереван, 1951, стр. 303—308; 2002 ԿԳՊԱ, ֆ. 70, ց. 1, գ. 86:

211 Վ. Հ. Ռաֆայելի, Ուրվագծեր Հայաստանի գյուղացիության պատմության (1828—1917 թթ.), մաս Բ (1870—1917), Երևան, 1968, էջ 240—241:

212 Նույն տեղում:

213 Տե՛ս նույն տեղում, էջ 242—243:

214 А. С. Амбарян, Развитие капиталистических отношений в армянской деревне (1860—1920), стр. 28:

Ցարական կարգերի դեմ գյուղացիության հետզհետե ուժեղացող վրդովմունքի մասին են վկայում նաև գյուացիների կողմից իշխանության ներկայացուցիչներին ցույց տված դիմադրության բազմաթիվ փաստերը: 1915 թ. հուլիսի 14-ին Կարսի մարզի Բերեբեկ գյուղի բնակիչները զինված դիմադրություն են ցույց տվել ոստիկաններին, որի հետևանքով գյուղացիներից 46 հոգի մեղադրվել են ձերբակալվել է: 1915 թ. հուլիսի 14-ին Նույն մարզի Մուղարիթ գյուղի բնակիչ Շուկալովը, նրա կինն ու տղան դիմադրել և այնուհետև ձեռնել են իրենց սայլը զորքի կարիքների համար բռնագրավող երկու ոստիկանի, որի պատճառով Շուկալովը ձերբակալվել և բանտ է նետվել: Նույն թվականի հուլիսի 28-ին Սողանլուի տեղամասի Բայբուրթ գյուղի բնակիչները սկզբում դիմադրել են իրենց գյուղ եկած հարկահավաքին և ոստիկանական պահստողին, իսկ հետո ձեռնել են նրանց, որի համար բռնորեն էլ ձերբակալվել են²¹⁵:

Առաջին համաշխարհային պատերազմի իմպերիալիստական, հակաժողովրդական քնույթը և նրա ծանր հետևանքները, ցարական բանակի հրամանատարության կամայականությունները, հետզհետե խորացող տնտեսական ու քաղաքական ճգնաժամը տիրող կարգերի դեմ ոտքի հանեցին նաև զինվորներին:

Կովկասյան բանակում բոլշևիկների ծավալած հեղափոխական եռանդուն աշխատանքի շնորհիվ զինվորների տարերային բողոքներն ու հուզումները զնալով մասսայական և ավելի ակտիվ բնույթ ստացան: Զինվորական մաս-սաների վրդովմունքն ու ատելությունը արտահայտվեց կյանքի անտանելի պայմաններից դժգոհելու, հրամանատարներին չնթարկվելու, նրանց կամայականությունները քննադատելու, դասայլություն, ռազմաճակատ մեկնելուց հրաժարվելու կամ այն լքելու և այլ միջոցներով: Դասայլությունը մեծ չափեր ընդունեց ինչպես ամբողջ Կովկասյան բանակում, այնպես էլ Հայաստանում տեղակայված զորամասերում: 1916 թ. հունվար-հոկտեմբեր ամիսներին դասայլերների թիվը միայն Երևանի գավառի զորամասերում հասավ 1696 հոգու²¹⁶: 1915 թ. օգոստոսի 30-ին Փանարեոի ճամբարում գտնվող պահեստային զորամասի 8000 զինվորներից ավելի քան 1000-ը իրենց բողոքի ձայնը բարձրացրին հագուստով, խմելու ջրով չապահովելու և տարափոխիկ հիվանդությունների դեմ միջոցներ չձեռնարկելու կապակցությամբ: Հրամանատարությունը և Երևանի կայազորի պարեմը զինվորների հուզումները ճնշելու համար ստիպված եղան դիմելու 82-րդ կազակային հարյուրակի օգնության²¹⁷:

1915 թ. դեկտեմբերին Կաղզվանում գտնվող 66-րդ դիվիզիայի 261-րդ Ախուլզինյան զնդում տարածված մի թուցիկում մերկացվում էին զնդի հրամանատարության կամայականությունները, զինվորների նկատմամբ նրանց բիրտ և անհոգի վերաբերմունքը: Թուցիկում գրված էր. Ախուլզինյան պետերը

«Թրե են գալիս, խմում ու լափում

նվ զինվորների փողն են գրպանում»²¹⁸:

215 Տճ՝ս ՍՍՀՄ ՀՆՄԵԳՊԱ, ֆ. 102, Ոստիկանության դեպարտամենտ, IV գործակարություն, Գ. 27, մ. 10/1915, ք. 53—55:

216 Տճ՝ս ՎՍՍՀ ԿԳՊԱ, ֆ. 1082, ց. 5, Գ. 738, ք. 8:

217 Տճ՝ս Նույն տեղում, Գ. 531, ք. 1, 2, 5, Գ. 17, Գ. 3614, ք. 10—11:

218 Նույն տեղում, ֆ. 13, ց. 1, Գ. 3614, ք. 27:

Նրևանի նահանգի ժանդարմական վարչության պետ ղնդապետ Վասիլեր այս թուլացիկ կապակցությամբ Կովկասի փոխարքայի զրասենյակի հատուկ բաժնին ներկայացրած իր ղեկուցագրում նշում էր, որ նույններին վերջերին ռազմաճակատից Կարսի մարզի Կաղզվան քաղաքը հանգստի եկած Ախուլ-գինյան հետևակային զնդում «մեծ դժգոհություն կա»²¹⁹։ Լուրջ դժգոհություն և խմորումներ կային նաև Կարսի բերդի, Ալեքսանդրապոլի, Նրևանի և այլ կայազորների զինվորների մեջ։

Հաճախակի էին դարձել ռազմաճակատ մեկնելուց հրաժարվելու կամ այն լքելու ղեպերերը։ 1916 թ. մայիսին հրաժարվեց կովի գնալ Թուրքեստանյան զնդի 4-րդ վաշտը, իսկ հունիսին՝ նույն զնդի 9-րդ վաշտը։ 1916 թ. վերջին հրաժարվեցին ռազմաճակատ մեկնել Ալեքսանդրապոլի կայազորի մի խումբ զինվորներ և այլն։ Այսպիսով, գնալով մեծանում էր զինվորական շինել հազած ժողովրդական մասսաների վրդովմունքն ու ատելությունը ղեպի թալանչիական պատերազմն ու նրա հանցավոր կազմակերպիչները²²⁰։

Հեղափոխական խմորումներ տեղի ունեցան նաև Արևելյան Հայաստանի սովորող երիտասարդության մեջ, Բարձր դասարանների սովորողները դատապարտում էին թալանչիական պատերազմը, բողոքի ցույցեր և դասադուլներ կազմակերպում օրբստօրե աճող կամայականությունների դեմ։ 1914—1916 թթ. այդպիսի հուլումներ եղան էջմիածնի Գևորգյան ճեմարանում։

Գևորգյան ճեմարանի մանկավարժական խորհուրդն իր 1916 թ. դեկտեմբերի 20-ի նիստում նշել է, որ աշակերտական հուլումների պատճառն ամենից առաջ պետք է փնտրել «ամբողջ հասարակական կյանքի աննորմալ և հուզված դրության մեջ»²²¹։

Այսպիսով, ցարական ինքնակալության և իմպերիալիստական պատերազմի դեմ Ռուսաստանում աճող տնտեսական ու քաղաքական ճգնաժամը իր ոլորտի մեջ էր առել նաև Արևելյան Հայաստանը։ Հայաստանի բանվորների ու պուլդացիների, զինվորական մասսաների ու սովորող երիտասարդության հակապատերազմական, հակացարական հուլումներն ու շարժումները հենց այդ ճգնաժամի արտահայտությունն էին։

219 ՎՍՄՀ, ԿՊՊԱ ֆ. 13/2, ց. 1, գ. 3641, թ. 26։

220 ՏՆ՝ 2. Ս. Մելիքյան, Հեղափոխական շարժումները Կովկասյան բանակում (1914—1917), Նրևան, 1975։

221 Ն. Ս. Սաֆակյան, Սովորող երիտասարդության շարժումները Հայաստանում 1900—1917 թթ. (Քեկնածուական գիտություն), 1967, էջ 229։